

第十七屆全港詩詞創作比賽——律詩

公共圖書館由一九九一年起，每年均舉辦「全港詩詞創作比賽」，單年比詩，雙年比詞，旨在提高市民之中國語文運用及韻文欣賞的能力。今年舉辦的「第十七屆全港詩詞創作比賽」，已是第九次的「律詩比賽」。評審委員有何文匯教授、周錫靚教授、陳志清教授、黃坤堯教授及劉衛林教授。

適逢回歸祖國十周年，今年比賽特別以此作為題材，讓市民大眾透過書寫詩歌，抒發對香港回歸祖國的情懷。比賽分學生組及公開組，共收到七百多份參賽作品。學生組參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員須多次討論，經初選、複選後才能決定名次。為確保評選公平，整個評審過程都採用糊名方法進行。評判團更約見了學生組入選參賽者，並要求入選者即席對聯，然後才決定得獎名次。

學生組

冠軍

《十年》

黃令時 香港中文大學

惡虜驕胡一夕刪，東方真個有珠還。
十年事過馬照跑，大市勢如牛再攀。
遷籍憂疑成懊悔，幾人徒唱念家山。
法名基本勞君讀，海角繁華早令頒。

亞軍

《登回歸塔抒懷》

蘇穎添 香港中文大學

登塔渺香城，神馳萬里征。
煙飄秦嶺遠，雨打楚江平。
南北殊風俗，古今同月明。
珠還喜十載，海角耀龍睛。

季軍

《香港回歸十周年有感》

伍煥堅 香港浸會大學

炮震九州離，書盟百歲悲。
華夷協制度，中外匯珍奇。
幾遇愁人事，今仍走馬時。
春風臨舊地，發發動紅旗。

*優異獎

《回歸》

吳曆恒 新界鄉議局元朗區中學

江山瞬息百年殊，咫尺天南險化胡。
海港千尋收水勢，回歸一剎吐龍珠。
董官已作遊梁馬，曾爵須芟擋道株。
金紫荊前無限美，紅旗飄處欲高呼。

《題「清明上河圖」來港賀回歸十載》

邱銘熙 香港教育學院

百五年來治外臣，洋文繫頸不由身。
英華皇像深宵去，義勇紅旗仲夏頻。
旋見遊行愁萬眾，又聞財困苦千鈞。
孤鴻舊日同飛盡，共看清明畫裏人。

《過九龍城寨有感》

陳小源 香港樹仁大學

十年一覺何曾覺，百歲遺忘今又回。
最是艱難淪陷日，無忘苦痛肺炎災。
故城風雨春三變，滄海浮沈酒一杯。
香樹因名能記否，紫荊開處獨登台。

《香港回歸十周年感賦》

程彥 香港樹仁大學

十年歲月慶回歸，天際煙花熠熠飛。
滄海揚塵幾今昔，紫荊開處極芳菲。
輿圖重展欣完璧，父老同懽歌合圍。
向日葵心傾不盡，更期足食與豐衣。

《感賦》

黃榮杰 伊利沙伯中學

經秋檻外雨風間，維水浮沈入望閒。
官恐流言猶下馬，人求直道欲移山。
珠歸合浦情何繼？劍失輕舟夢未還。
大地飄紅花早發，而今多見一枝攀。

特別獎

《故土飄香》

林佑歡 香港中文大學

桑榆晚暮清風盡，宅外孤香自苦零。
萬里黃河翻幾浪，千株赤牡盛連亭。
芳飄故本歸園樂，露灑新芽予土寧。
十載春思花茁壯，裳雲似錦麗如屏。

公開組

冠軍

《六五生辰適逢香港回歸十周年》 郭維華

劫餘舊影立蒼黃，六五回眸海換桑。
風雨慣聞過耳順，山川重歷願身康。
劍殘未合鎔新鼎，驥老猶思騁故疆。
及見明珠完浦夢，十年吟望掬心香。

亞軍

《宋皇臺》 林世鉅

塞雪霏霏蚤雨斜，誰令絕地走宮車。
更無結綺歌瓊樹，饒是凌歊擁翠華。
牧馬幾回歸朔漠，怨禽終古泣天涯。
珠還禹貢驚回首，黃葉空階輦路賒。

季軍

《慶回歸》 方富永

花滿香江日正紅，鵲巢鳩佔夢成空。
回天永誌千秋史，破浪端憑兩制功。
故國縈懷情似海，獅山入望氣如虹。
崢嶸歲月悠然過，笑倚東風作主翁。

* 優異獎

《紫荆十載》 陳鈞毅

早發清香曳滿枝，十年春雨潤芽時。
參天當自青雲聚，盤地豈隨風物移。
幾度寒霜迷故綠，一朝紅日煥新姿。
陰晴不阻向陽意，葉盛花嬌總得宜。

《回歸十年有感》 陳樵山

海抱山環原福地，神州百萬自由行。
依然秋賽馬蹄勁，照舊華燈舞袖輕。
十載艱難同淬礪，千家風雨喜初晴。
國開兩制真奇構，誰為天南一柱擎。

《回歸十周年觀兩岸形勢有感》 黃力生

同是千秋劫後生，偏分異主競嶢崢。
飛西迷雁終歸里，蹈海浮萍豈絕情。
九野榮枯天可命，今朝因果妙難名。
還須幾度黃梁熟，一夢梅花共紫荆。

《回歸所見詠感》 黃以芍

轉眼回歸又十年，回頭堪笑亦堪憐。
百年未見人攘臂，十載翻聞議沸天。
莫是元清皆有德，竟然唐漢也非賢。
英雄當似文丞相，敢許頭顱虞騎前。

《一票》 鄔式窩

還我河山樂展眉，而今已不受夷欺。
金融失措揮毫定，癘疫橫來妙手醫。
學府風波排異見，官家民意鬧分歧。
何時士庶同參議，一票人人任選誰。

* 特別獎

《香港回歸祖國十周年感賦》 文遠

璧返珠還慶十年，香江風物勝從前。
長車絡繹馳橋隧，巨廈巍巍峙海天。
法奠初基民主顯，政行兩制自由延。
殿堂廣納芻蕘策，普選賢能箭在弦。

《回歸十載抒懷》 潘金山

瑤台仙閣巧天工，霞影珠光耀眼瞳。
幾代金甌連夜雨，十年趙璧補春穹。
興高欲寫新鵬賦，心靜微吟古大風。
灑灑清江升麗日，五星燦燦紫荆紅。

* 排名按姓氏筆劃序

香港公共圖書館主辦

第十七屆全港詩詞創作比賽——律詩

獲獎作品